


Des Cirkels vnd Richtscheids.

XVII

therley gefäß daraus zu erlernen vnd finden/aus rechtem grund/so doch nit von nöten dises orts weidleüftiger zubeschreiben/vnd anzugezeigen/fürnemlichen dieweil ein heder verständiger/so disen dingen mit fleiß nachtrachtet/solchs vnd anders/leichtlichen sunst erfinden mag/darzu im dann das augenscheinlich exemplar volgender figur/nit wenig behülflich sein mag/nit allein solche gefäß/wie volgendts angezeigt/sonder vil ander der gleiche/nach Antiquischer monier der Bocal/begrebnus gefäß/new zu erfinden.Doch wöllen wir hie zu gemeiner Regel gesetzt habē/das der inner Cirkel al weg in solcher größe gerissen werden soll/als gross vnd weit der bauch des gefäß/das man machen will/dann reiß man die linien/so in das Centrum zusammen künnen/sampt den Perpendicular linien/wie droben angezeigt ist/so mag er mancherley proporcion solcher gefäß/vnd fürnemlich der antiquischen Bockal/finden.Aber die höhe sampt dem mundstück/vnd deckel/des gleichen die füßlein/seien in sonderheit geordnet/aus rechtem verstandt eins verständigen Goldschmidts/vnd der gleichen kunstreichen hand werckern/nach erforderung der materi/daruon solche gefäß gemacht werden sollen.



c

Go

23